

- ovjerenu kopiju diplome o završenoj školi/ fakultetu, te
- izjavu kandidata na alineju 3. i 4. pod tačkom A. i na alineju 2. pod tačkom B.

VI. Prijave sa dokazima o ispunjavanju navedenih uslova, dostaviti Općinskom vijeću - Komisiji za izbor i imenovanje Upravnih i Nadzornih odbora, ulica Bosanska, broj 110, Bosanski Petrovac.

VII. Krajnji rok za podnošenje prijava je petnaest (15) dana od dana objavljivanja ovoga oglasa u "Službenim novinama Federacije BiH", dnevnom listu "Dnevni avaz" i oglasnoj ploči Općine Bosanski Petrovac.

VIII. U prijavi kandidati su dužni naznačiti na koju poziciju se kandidiraju.

IX. Nepotpune i neblagovremene prijave se neće uzeti u razmatranje, a prijave podnosioca sa kojima se u roku od tri (3) dana po isteku oglasa ne mogu stupiti u kontakt neće biti uzete u razmatranje u daljem procesu imenovanja.

(SI-105/16-F)

OPĆINA USORA

Na temelju članka 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), članka 64. stavak 5. Zakona o zdravstvenoj zaštiti ("Službene novine Federacije BiH", broj 46/10 i 75/13), članka 5. Odluke o kriterijima za imenovanje predsjednika i članova Upravnih vijeća zdravstvenih ustanova čiji je osnivač općina Usora ("Službeni glasnik Općine Usora", broj 3/11) i članka 41. Statuta općine Usora ("Službeni glasnik Općine Usora", broj 2/08), općinski načelnik objavljuje

JAVNI OGLAS

ZA IZBOR I IMENOVANJE PREDSJEDNIKA I ČLANOVA UPRAVNOG VIJEĆA ZDRAVSTVENE USTANOVE ČIJI JE OSNIVAČ OPĆINA USORA

Objavljuje se Javni oglas za izbor i imenovanje predsjednika i članova Upravnog vijeća zdravstvene ustanove čiji je osnivač općina Usora

1. Javna ustanova "Dom zdravlja" Usora

- Predsjednik Upravnog vijeća - 1 (jedan) iz reda predstavnika osnivača
- Član Upravnog vijeća - 1 (jedan) iz reda predstavnika Kantonalnog ministarstva
- Član Upravnog vijeća - 1 (jedan) iz reda stručnih djelatnika zdravstvene ustanove

I. Opis pozicije

Upravno vijeće zdravstvene ustanove donosi pravila odnosno statut ustanove, imenuje i razrješava ravnatelja odnosno v.d. ravnatelja zdravstvene ustanove, utvrđuje plan rada i razvoja zdravstvene ustanove, utvrđuje godišnji program rada, donosi finansijski plan i usvaja godišnji obračun, donosi opće akte o unutarnjem uređenju i sistematizaciji poslova i druge opće akte u skladu sa zakonom i statutom zdravstvene ustanove, odlučuje o svim pitanjima obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove, usmjerava, kontrolira i ocjenjuje rad ravnatelja, rješava sva pitanja iz odnosa sa osnivačem, podnosi osnivaču najmanje jedanput godišnje izvješće o poslovanju ustanove, odgovara osnivaču za rezultate rada ustanove te obavlja i druge poslove u skladu sa zakonom i statutom zdravstvene ustanove.

Mandat predsjednika i članova Upravnog vijeća zdravstvene ustanove je 4 (četiri) godine uz mogućnost ponovnog imenovanja u skladu sa zakonom.

Naknada za rad u Upravnom vijeću zdravstvene ustanove utvrđena je posebnom odlukom Općinskog vijeća općine Usora sukladno zakonu.

II. Uvjeti za izbor i imenovanje u upravno vijeće zdravstvene ustanove

Kandidati za imenovanje na pozicije u Upravnom vijeću Javne ustanove "Dom zdravlja" Usora moraju ispunjavati slijedeće opće i posebne uvjete.

Opći uvjeti

1. da je državljanin BiH;
2. da je stariji od 18 godina;
3. da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
4. da se na njega ne odnosi član IX stavak 1. Ustava Bosne i Hercegovine;
5. da nije osuđivan za kazneno djelo privredni prijestup, nespojiv sa dužnošću u upravnom odboru zdravstvene ustanove;
6. da nije izabrani zvaničnik, nositelj izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08).

Posebni uvjeti

1. da ima VII stupanj stručne spreme pravnog, ekonomskog ili zdravstvenog usmjerenja;
2. da ima najmanje tri godine radnog iskustva u struci;
3. da nema privatni - finansijski interes u zdravstvenoj ustanovi u čije se Upravno vijeće kandiduje;
4. da nije ravnatelj zdravstvene ustanove, a koja ima status pravne osobe;
5. da nije član više od jednog upravnog ili nadzornog vijeća.

III. Podnošenje prijava

Prijava kandidata treba sadržavati kraći životopis, adresu i kontakt telefon.

Uz prijavu na javni oglas kandidati su dužni priložiti i slijedeće dokumente kao dokaz o ispunjavanju uvjeta:

1. uvjerenje o državljanstvu ili ovjeren preslik osobne iskaznice;
2. izvadak iz matične knjige rođenih;
3. dokaz o školskoj spremi;
4. dokaz o radnom iskustvu;
5. ovjerenu izjavu o ispunjavanju uvjeta iz točke 3., 4., 5. i 6. općih uvjeta i točke 5. posebnih uvjeta;
6. uvjerenje nadležnog suda da se protiv kandidata ne vodi kazneni postupak (ne starije od 3 mjeseca).

Od kandidata koji uđu u uži izbor može biti zatraženo i dostavljanje dodatne dokumentacije.

Dokumenti koji se prilažu uz prijavu moraju biti originali ili ovjerene kopije, a isti se neće vraćati kandidatima.

Svi kandidati koji budu stavljeni na listu za uži izbor biće pozvani na intervju od strane Povjerenstva za izbor koje imenuje općinski načelnik. Nakon intervjua Povjerenstvo za izbor će putem pismene preporuke predložiti rang listu s najboljim kandidatima općinskom načelniku. Konačno imenovanje predsjednika i članova Upravnog vijeća Javne ustanove "Dom zdravlja" Usora na temelju prijedloga općinskog načelnika vrši Općinsko vijeće Usora.

U slučaju kada postoje dokazi da u postupku imenovanja nisu ispoštovana načela ili postupci utvrđeni Zakonom o ministarskim, vladinim i drugim imenovanjima FBiH, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi odgovornom javnom službeniku, a kopija se dostavlja ombudsmenu za ljudska prava u Federaciji BiH.

Javni oglas će biti objavljen u Službenim novinama Federacije BiH, "Dnevnom listu" Mostar, Radio postaji Usora, web-stranici općine Usora i oglasnoj ploči Općine Usora.

Rok za podnošenje prijave je 15 dana od dana posljednjeg objavljivanja oglasa.

Posljednji dan podnošenja prijava računa se prema datumu objave u glasilu koje posljednje bude objavilo ovaj oglas.

Neblagovremene i nepotpune prijave neće biti uzete u razmatranje. Prijave kandidata koji su na funkciji u političkoj stranci će se odbaciti (kandidati koji se ne kvalificiraju) sukladno Zakonu o ministarskim, vladinim i drugim imenovanjima FBiH.

Prijave sa svim traženim dokumentima mogu se dostaviti osobno ili poštom, preporučeno na adresu:

Povjerenstvo za izbor predsjednika i članova Upravnog vijeća
Javne ustanove Dom zdravlja Usora,
Općina Usora, Sivša bb, 74230 Usora
sa naznakom:

Prijava na Javni oglas za izbor i imenovanje predsjednika i
članova Upravnog vijeća Javne ustanove Dom zdravlja Usora
- NE OTVARATI -

Za sve dodatne informacije zainteresirani se mogu obratiti na telefon 032/893-479.

(SI-108/16-F)

**JKP " ZENICATRANS - PREVOZ PUTNIKA" D.D.
ZENICA**

Na osnovu čl. 8. i 26. Zakona o javnim preduzećima ("Službene novine Federacije BiH", broj 8/05), člana 8. Zakona o ministarskim, vladinim i drugim imenovanjima FBiH ("Službene novine Federacije BiH", broj 12/03 i 34/03), člana 64. Statuta JKP "Zenicatrans - prevoz putnika" d.d. Zenica i Odluke Nadzornog odbora broj 35-2/15 od 17.12.2015. godine, Nadzorni odbor JKP "Zenicatrans - prevoz putnika" d.d. Zenica raspisuje

KONKURS

**ZA IZBOR PREDsjedNIKA I DVA ČLANA ODBORA
ZA REVIZIJU JKP "ZENICATRANS - PREVOZ
PUTNIKA" D.D. ZENICA**

1. Objavljuje se javni konkurs za izbor predsjednika i dva člana Odbora za reviziju JKP "Zenicatrans - Prevoz putnika" D.D. Zenica.

2. Dužnosti Odbora za reviziju utvrđene su članom 28. Zakona o javnim preduzećima u FBiH i Statutom JKP "Zenicatrans - prevoz putnika" d.d. Zenica.

3. Mandat izabranih članova Odbora za reviziju je 4 (četiri) godine, s mogućnošću obnove mandata. Sa imenovanim članovima Odbora za reviziju, na osnovu odluke Skupštine Društva, zaključuje se ugovor kojim se regulišu ovlaštenja, odgovornosti i visina naknade.

Izbor kandidata Odbora za reviziju vrši Nadzorni odbor, a imenovanje Skupština Društva.

4. Kandidat koji aplicira za predsjednika i člana Odbora za reviziju mora ispunjavati sljedeće uslove:

Opći uvjeti:

- 1) da je državljanin BiH (dokaz: uvjerenje o državljanstvu BiH),
- 2) da je stariji od 18 godina,
- 3) da nije otpušten iz državne službe kao rezultat disciplinske mjere na bilo kojoj razini u BiH u periodu od 3 godine prije objavljivanja ove upražnjenje pozicije (dokaz: potpisana izjava ovjerena od strane nadležnog organa, ne starija od tri mjeseca),
- 4) da se na njega ne odnosi član IX 1. Ustava BiH (dokaz: potpisana izjava ovjerena od strane nadležnog organa, ne starija od tri mjeseca),
- 5) da nije osuđivan za krivična djela i privredne prestupe koji su po zakonu nespojivi s dužnošću člana Odbora za reviziju i da se protiv kandidata ne vodi krivični postupak (dokaz: potpisana izjava ovjerena od strane nadležnog organa, ne starija od tri mjeseca),

- 6) da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima (dokaz: potpisana izjava ovjerena od strane nadležnog organa, ne starija od tri mjeseca),
- 7) da nije izabrani zvaničnik, nosilac izvršnih funkcija ili savjetnik izabranim nosiocima izvršnih funkcija u smislu Zakona o sukobu interesa u institucijama vlasti FBiH (dokaz: potpisana izjava ovjerena od strane nadležnog organa, ne starija od tri mjeseca),
- 8) da mu presudom suda nije zabranjeno obavljanje aktivnosti iz nadležnosti Odbora za reviziju (dokaz: potpisana izjava ovjerena od strane nadležnog organa, ne starija od tri mjeseca),
- 9) da nije član Nadzornog odbora ili Uprave Društva, zaposlenik Društva niti da ima direktan ili indirektan finansijski interes u Društvu (dokaz: potpisana izjava ovjerena od strane nadležnog organa, ne starije od tri mjeseca),
- 10) da sa članovima Nadzornog odbora i Uprave Društva nije u krvnom srodstvu u pravoj liniji, niti u pobočnoj liniji ili srodstvu po tazbini zaključno sa trećim stepenom (dokaz: potpisana izjava ovjerena od strane nadležnog organa, ne starija od tri mjeseca).

Posebni uvjeti:

- 1) VII stepen stručne spreme ili najmanje 240 ECTS bodova, ekonomskog ili pravnog smjera (dokaz: ovjerena kopija diplome),
- 2) da ima najmanje 5 (pet) godina radnog iskustva u struci i spremi (dokaz: potvrda, uvjerenje o radnom iskustvu),
- 3) da posjeduje stručna i profesionalna znanja vezana za sadržaj i način rada Odbora za reviziju i način rada organa upravljanja privrednih društava (dokaz: preporuke ranijeg poslodavca),
- 4) da nije u zadnjih 10 (deset) godina imao/la status "povezanog lica", u smislu Zakona o javnim preduzećima, sa JKP "Zenicatrans - prevoz putnika" d.d. Zenica (dokaz: potpisana izjava ovjerena od strane nadležnog organa, ne starija od tri mjeseca).

5. Kandidati su dužni uz prijavu koja sadrži kraću biografiju, adresu i kontakt telefon priložiti originalne dokumente ili ovjerene kopije dokumenata koji su dokaz o ispunjavanju općih i posebnih uvjeta traženih konkursom.

Kandidati koji uđu u uži izbor bit će pozvani na intervju.

Kandidati s kojim se ne stupi u kontakt u roku od 10 dana od dana isteka roka za prijavu, nisu ušli u uži krug razmatranja prijave.

Konkurs ostaje otvoren 15 dana od dana objavljivanja u "Službenim novinama Federacije BiH" i u dnevnom listu "Oslobođenje".

Rok za podnošenje prijave teče od dana objavljivanja konkursa u novinama koje posljednje objave ovaj konkurs.

Napomena: Za kandidate koji uđu u uži krug razmatranja prijava, Društvo će kod nadležnih organa izvršiti provjere podataka iz kaznene evidencije, a u cilju provjere ispunjenosti općih uvjeta iz tačke 4. pod 5) i 8) ovog Konkursa.

6. Prijave sa traženim dokumentima dostaviti lično ili preporučenom poštom na adresu:

JKP "Zenicatrans - prevoz putnika" d.d. Zenica
ul. Bulevar kralja Tvrtka I broj 34, Zenica
s naznakom:

Prijava na konkurs za izbor Odbora za reviziju
- NE OTVARATI -

Nepotpune i neblagovremene prijave neće se uzeti u razmatranje.

Društvo nije obavezno vraćati dokumentaciju dostavljenu uz prijavu.

(SI-109/16-F)